

鮑氏集

鮑氏集卷第七

見賣玉器者

并序

從登香爐峯

夢歸鄉

從臨江王上荆初發新渚

望孤石

登黃鶴磯

岐陽守風

在江陵數年傷老

翫月城西門廨中

代挽歌

夜聽妓

梅花落

古辭

可愛

夜聽聲

酒後

講易

王昭君

中與歌曲十首

吳歌二首

與謝尚書莊三連句

在荊州與張史君李居士連句

月下登樓連句

字謎三首

見賣玉器者

并序

見賣玉器者或人欲買疑其是珉不肖成市
聊作此詩以戲買者

涇渭不可雜珉玉當早分子實舊楚客蒙俗
謬前聞安知理孚采豈識質明溫我方歷上

國從洛入函，轅揚光十貴室。馳譽四豪門，竒聲振朝邑。高價服鄉村，寧能與爾曹。瑜瑕稍辨論。

從登香爐峯

辭宗盛荆夢，登歌美鳧繹。徒收杞梓饒，曾非羽人宅。羅景諳雲扃，沾光鳧龍策。御風親列涂，乘山窮禹迹。含嘯對霧岑，延蘿倚峯壁。青冥搖煙樹，穹跨負天石。霜崖滅土膏，金澗測泉脉。旋淵抱星漢，乳竇通海碧。谷館駕鴻人，巖棲咀丹客。殊物藏珍怪，竒心隱仙籍。高世

伏音華綿古遁精魄簫瑟生哀聽參差遠驚
覲慙無獻賦才洗汗奉毫帛

夢歸鄉

銜淚出郭門撫劍無人達沙風暗空起離心
眷鄉畿夜分就孤枕夢想暫言歸孀婦當戶
歎搔絲復鳴機慊款論久別相將還綺闈歷
歷簷下涼朧朧帳裏輝刈蘭爭芬芳採菊競
葳蕤開奩奪香蘇探袖解纓微寐中長路近
覺後大江違驚起空歎息恍惚神魂飛白水
漫浩浩高山壯巍巍波瀾異往復風雲改榮

衰此土非吾土慷慨當告誰

從臨海王上荆初發新渚

客行有苦樂但問客何行
拔龍不待翼附驥
絕塵真梁珪分楚牧羽鷁
指全荆雲艫掩江
汜千里被連旌戾戾旦風
道嘈嘈晨鼓鳴收
纜辭帝郊揚棹發皇京
狐兔懷窟志犬馬戀
主情撫襟同太息相顧俱
涕零奉役塗未啓
思歸思已盈

望孤石

江南多暖谷雜樹茂寒峯
朱華抱白雪陽條

熙朔風蚌節流騎藻輝石亂煙虹泄雲去無
極馳波往不窮肅歌清漏畢徘徊朝景終浮
生會當幾歡酌每盈衷

登黃鶴磯

木落江渡寒鴈還風送秋臨流斷商絃瞰川
悲棹謳適郢無東轅還夏有西浮三崖隱丹
磴九派引滄流淚竹感湘別弄珠懷漢遊豈
伊藥餌泰得奪旅人憂

岐陽守風

差池玉繩高掩映一作瑤井沒廣岸屯宿陰

懸崖樓歸月役人喜先馳軍令申早發洲迥
風正悲江寒霧未歇飛雲日東西別鶴方楚
越塵衣孰揮澣蓬思亂光髮

在江陵數年傷老

五難未易夷三命戒淵抱方瞳起松髓頰髮
疑桂腦役生良自休大患安足保開簾窺景
夕備屬雲物好翩翩燕弄風嫋嫋柳垂道池
瀆亂蘋萍園援美花草節如驚灰異零落就
衰老

翫月城西門廨中

君同

始見西南樓，纖纖如玉鈎。未映東北墀，娟娟似娥眉。娥眉蔽珠櫳，玉鈎隔瑣窓。三五二八時，千里與同君。夜移衡漢落，徘徊入戶中。歸華先委露，別葉早辭風。客遊厭苦辛，仕子倦飄塵。休澣自公日，宴慰及私辰。蜀琴抽白雪，郢曲發陽春。肴乾酒未闕，金壺啓久淪。迴軒駐輕蓋，留酌待情人。

代挽歌

獨處重冥下，憶昔登高臺。傲岸平生中，不爲物所裁。埏門只復閉，白蟻相將來。生時芳蘭

素

體小蟲今爲災玄鬢無復根枯體依青苔憶
昔好飲酒青盤進青梅彭韓及廉藺疇昔已
成灰壯士皆死盡餘人安在哉

夜聽妓二首

夜來坐幾時銀漢傾露落澄愴入閨景葳蕤
被園藿絲管感暮情哀音遶梁作芳盛不可
恒及歲共爲樂天明坐當散琴酒駛弦酌
蘭膏消耗夜轉多亂筵雜坐更絃歌傾情逐
節寧不苦特爲盛年惜容華

梅花落

中庭雜樹多偏爲梅咨嗟問君何獨然念其
霜中能作花露中能作實搖蕩春風媚春日
念爾零落逐寒風徒有霜華無霜質

古辭

容華不待年何爲客遊梁九月寒陰合悲風
斷君腸歎息空房婦幽思坐自傷勞心結遠
路惆悵獨未央

可愛

風帷關珠帶月幌垂霧羅魏粲縫秋裳趙豔
習春歌

夜聽聲

辭鄉不覺遠歡寡憂自繁何用慰秋望清燭
視夜翻

酒後

晨節無兩淹年意不俱處自非羽酌歡何用
慰愁旅

講易

雲澤翔羽姬橫益招益人賁園無金尚履道
易書紳

王昭君

逢興

平運

既事轉蓬遠心隨鴈路絕霜輝旦夕驚邊笳
中夜咽

中興歌十首

千冬逢一春萬夜見朝日生平值中興歡起
百憂畢

中興太運平化清四海樂祥景照玉臺紫煙
遊鳳閣

碧樓含夜月紫殿爭朝光綵墀散蘭麝風起
自生芳

白日照前窓玲瓏綺羅中美人掩輕扇含思

歌春風

三五容色滿四五妙華歇已輸春日歡分隨
秋光設

北出湖邊戲前還苑中遊飛轂繞長松馳管
逐波流

九月秋水清三月春花滋千金逐良日皆競
中興時

窮泰已有分壽夭復屬天既見中興樂莫持
憂自煎

襄陽是小地壽陽非帝城今日中興樂遙治

在上京

梅花一時艷竹葉千年色願君松柏心採照
無窮極

吳歌二首

公月

夏口樊城岸魯都却丹樓觀見流水還識是

儂淚流

雨

人言荆江狹荆江定自闊五兩了無聞風聲

邠得達

與謝尚書莊三連句

霞輝兮澗朗日靜兮川澄風輕桃欲開露重

蘭未勝水光溢兮松霧動山煙疊兮石露疑
掩映晨物綵連綿兮羽興

在荊州與張史君李居士連句

橋磴支古轍篁路拂輕鞍三尹無喜色一適
或垂竿

月下登樓連句

鬢髮拂月光續紛篁霧陰樂來亂憂念酒至
歇憂心鮑博士露入覺牖高芳深測苑深清

氣澄永夜流吹不可臨王延秀密峯集浮碧

踈瀾道瀛潯嗽玉延幽性扳桂藉知音荀原

之辰意事淪晦良歡戒勿侵昭景有遣駟孤

賈無留金

荀中書萬秋

字謎三首

二形二體四支八頭四八二八飛泉仰流

頭如刀尾如鉤中央橫廣四角六抽右面負

兩刃左邊雙屬牛

乾之一九隻立無偶坤之二六宛然雙宿

鮑氏集卷第七



鮑氏集卷第八

擬行路難十九首

松柏篇并序

侍宴覆舟山二首
勅為柳元景作

發廬山二首

發長松遇雪

蒜山被始興王命作

冬至

蜀四賢詩

秋日示休上人



和王義興七夕

贈鮑侍郎釋惠休

答休上人

和王護軍秋夕

懷遠人

春羈

三日

苦雨

三日游南苑

歲暮悲

園中秋散

一作園中載散

詠秋

秋夕

望水

詠白雪

擬行路難十九首

奉君金卮之美酒。璫瑁玉匣之雕琴。七綵芙蓉之羽帳。九華蒲萄之錦衾。紅顏零落歲將暮。寒光宛轉時欲沉。願君裁悲且減思。聽我抵節行路吟。不見栢梁銅雀上。寧聞古時清。

手

博

吹音

洛陽名工鑄爲金悖山千斷復萬鏤上刻秦
女攜年仙承君清夜之歡娛列置幃裏明燭
前外發龍鱗之丹綵內含麝芬之紫煙如今
君心一朝異對此長歎終百年

璇閨玉墀上椒閣文窓繡戶垂羅幕中有一
人字金蘭被服織羅采芳藿春燕差池風散
梅開幃對景弄春爵含歌攬涕怕抱愁人生
幾時得爲樂寧作野中之雙鳧不願雲間之
別鶴

寫水置平地各自東西南北流人生亦有命
安能行歎復坐愁酌酒以自寬舉杯斷絕歌
路難心非木石豈無感吞聲躑躅不敢言
君不見河邊草冬時枯死春滿道君不見城
上日今暝沒盡去明朝復更出今我何時當
得然一去永滅入黃泉人生苦多歡樂少意
氣敷腴在盛年且願得志數相就牀頭怕有
沽酒錢功名竹帛非我事存亡貴賤付皇天
對案不能食拔劍擊柱長歎息丈夫生世會
幾時安能蹠蹠垂羽翼棄置罷官去還家自

魂

沃若

休息朝出與親辭暮還往親側弄兒牀前戲
看婦機中織自古賢盡貧賤何況我輩孤且
直

愁思忽而至跨馬出北門舉頭四顧望但見
松栢園荆棘鬱樽樽中有一息名杜鵑言是
古時蜀帝魄聲音哀苦鳴不息羽毛憔悴似
人髮飛走樹間逐蟲蟻豈憶往日天子尊念
此死生變化非常理中心惻愴不能言
中庭五株桃一株先作花陽春妖冶二三月
從風簸蕩落西家西家思婦見悲惋零淚霑

蓬亂一行捱二字

千字亦本恰在行末非連去也
劉藥另起

衣撫心歎。初送我君出戶時。何言淹留節迴。
換牀席。生塵明鏡垢。纖腰瘦削髮蓬亂。人生
不得怕稱意。惆悵徙倚至夜半。劉藥染黃絲。
黃絲歷亂不可治。我昔與君始相值。爾時自
謂可君意。結帶與我言。死生好惡不相置。今
日見我顏色衰。意中索寞與先異。還君金釵
玳瑁簪。不忍見此亦愁思。

君不見舜華不終朝。須臾淹冉零落銷。盛年
妖艷浮華輩。不父亦當詣冢頭。一去無還期。
千愁萬歲無音詞。孤魂杳杳空隴間。獨魄徘徊

秋

壺

相肯

徊遶墳基。但聞風聲野鳥吟。豈憶平生盛年時。爲此令人多悲悵。君當縱意自熙怡。

君不見枯籜走階庭。何時復青著故莖。君不見亡靈蒙享祀。何時傾杯竭壺罌。君當見此起憂思。寧及得與時人爭。人生倏忽如絕電。華年盛德幾時見。但令縱意存高尚。肯酒佳肴相相讌。持此從朝竟夕暮。差得亡憂消愁怖。胡爲惆悵不能已。難盡此曲令君忤。今年陽初花滿林。明年冬末雪盈岑。推移代謝紛交轉。我君邊戍獨稽沉。執袂分別已三

慘慘

載邇來寂淹無分音。朝悲慘。遂成滴。暮思
遶遶最傷心。膏沐芳餘久不御。蓬首亂鬢不
設簪。徒飛輕埃舞空帷。粉筐黛器靡復遺。自
生留世苦不幸。心中惕惕恒懷悲。

暮禽啾啾旦暮鳴。最傷君子憂思情。我初辭
家從軍僑。榮志溢氣干雲霄。流浪漸冉經三
齡。忽有白髮素髭生。今暮臨水拔已盡。明日
對鏡復已盈。恐羈死爲客。思寄滅生空精。
每懷舊鄉野。念我舊人多悲聲。忽見過客問
何我。寧知我家在南城。答云我曾居君鄉。知

君遊宦在此城。我行離邑已萬里。今方羈役
去遠征。來時聞君婦。閨中孀居獨宿有貞名。
亦云朝悲泣。閑房又聞暮思淚。霑裳形容憔悴。
非昔悅蓬鬢。衰顏不復粧。見此令人有餘
悲。當願君懷不暫忘。

君不見少壯從軍去。白首流離不得還。故鄉
窅窅日夜隔。音塵斷絕阻河關。朔風蕭條白
雲飛。胡笳哀急邊氣寒。聽此愁人兮奈何。登
山遠望得留顏。將死胡馬跡。寧見妻子難。男
兒生世輒軻欲何道。綿憂推抑起長歎。

君不見栢梁臺。今日丘墟生草萊。君不見阿
房宮。寒雲澤雉栖其中。歌妓舞女今誰在。高
墳疊疊滿山隅。長袖紛紛徒竟世。非我昔時
千金軀。隨酒逐樂任意去。莫令含歎下黃壚。
君不見冰上霜。表裏陰且寒。雖蒙朝日照。信
得幾時安。民生故如此。誰令摧折強相看。年
去年來自如削。白髮零落不勝冠。
君不見春鳥初至時。百草含青俱作花。寒風
蕭索一旦至。竟得幾時保光華。日月流邁不
相饒。令我愁思怨恨多。

一歲

傳

余

之

諸君莫歎貧富貴不由人。丈夫四十彊而仕。
餘當二十弱冠辰。莫言草木委冬雪。會應蘇
息遇陽春。對酒叙長篇。窮途運命委皇天。但
願樽中九醞滿。莫惜牀頭百箇錢。直得優游
卒歲。一何勞辛苦事百年。

松柏篇

井序

余患脚上氣四十餘日。知舊先借傳玄集以
金病劇。遂見還開裘。適見樂府詩。龜鶴篇於
危病中。見長逝詞。惻然酸懷抱。如此重病彌
時。不差呼吸。乏喘舉目悲矣。火藥間缺而擬

之

松柏受命獨歷代長不衰人生浮且脆鶴若
晨風悲東海迸逝川西山導落暉南郊悅籍
短蒿里收束歸諒無疇昔時百病起盡期志
士借牛刀忍勉自療治傾家行藥事顛沛去
迎醫徒備火石苦奄至不得辭龜齡安可護
岱宗限已迫睿聖不得留爲善何所益捨此
赤縣居就彼黃墟宅永離九原親長與三辰
隔屬續生望盡闔棺世業埋事痛存人心恨
結亡者懷祖葬旣云及擴隧亦已開室族內

夜

外哭親踈同共哀外姻遠近至名列通夜臺
扶輿出殯官低回戀庭室天地有盡期我去
無還日居者今已盡人事從此畢火歇煙旣
沒形銷聲亦滅鬼神來依我生人永辭訣大
暮杳悠悠長時無時節鬱湮重冥下煩冤難
具說安寢委沉寔戀戀念平生事業有餘結
刊述未及成資儲無擔石兒女皆孩嬰一朝
放捨去萬恨纏我情追憶世上事束教已自
拘明發靡怡念夕歸多憂虞撤閭晨逕流輟
宴式酒濡知今瞑日苦恨失爾時娛遙遙遠

民居獨埋深壤中。墓前人跡滅。冢上草日豐。
空林響鳴蜩。高松結悲風。長寐無覺期。誰知
遊者躬。生存處交廣。連榻舒華茵。已沒一何
苦。槎哉不容身。昔日平居時。晨夕對六親。今
日掩奈何。一見無諧因。禮席有降殺。三齡速
迴隙。几筵就收撤。室宇改疇昔。行女遊歸途。
仕子復王後。家世本平常。獨有亡者劇。時祀
望歸來。四節靜瑩丘。孝子撫墳號。父子知來
不欲還。心依戀。欲見絕無由。煩冤荒隴側。肝
心盡崩抽。

侍宴覆舟山二首

勅為柳元景作

息雨清上郊，開雲照中縣。
遊軒越丹居，暉燭集涼殿。
凌高躋飛楹，追焱起流宴。
扞苑含靈群，崑庭藏物變。
明暉爍神都，麗氣冠華甸。
目遠幽情周，醴洽深恩遍。

繁霜飛玉闥，愛景麗皇州。
清蹕戒馳路，羽蓋佇宣游。
神居旣崇盛，崑嶮信環周。
禮俗陶德聲，昌會溢民謳。
慙無勝化質，謬從雲雨浮。

遊登廬山二首

懸裝亂水區，薄旅次山楹。
千巖盛阻積，萬壑

勢迴縈龍崕高昔貌紛純襲前名洞間窺地
脉聳樹隱天經松磴上迷密雲竇下縱橫陰
冰實夏結炎樹信冬榮嘈噴晨鷗思叫嘯夜
猿清深崖伏化迹穹岫闕長靈乘此樂山性
重以遠遊情方躋羽人途永與煙霧并

訪世失隱淪從山異靈士明發振雲冠升嶠
遠棲趾高岑隔半天長崖斷千里氣霧承星
辰潭壑洞江汜嶄絕類虎牙嶺屹象熊耳埋
冰或百年韜樹必千祀鷄鳴清澗中猿嘯白
雲裏瑤波逐穴開霞石觸峯起迴牙非一形

參差反相似傾聽鳳管賓紉望釣龍子松桂
盈膝前如何穢城市

發長松遇雪

出牛旣送寒莫陵一作陸方決馳振風搖地局

封雪滿空枝江渠合為陸天野浩無涯飲兼

凍馬骨斲冰傷後疲昆明豈不慘黍谷寧可

吹

蒜山被始興王命作

暮冬霜朔嚴地閉泉不流玄武藏木陰丹鳥

一作鳥還養羞勞農澤旣周役車時亦休高薄

醴

符

浮一作

好猜清

一作

藻駕及時遊鹿苑豈淹睇

兔園不足留升嶠眺日軌臨迥望滄洲雲生

玉堂裏風靡銀臺陬陂石類星懸嶼木似煙

浮形勝信天府珍寶麗皇州白日迴清景芳

豔洽歡柔參差出寒吹飈戾江上謳王德愛

文雅飛翰灑鳴球美哉物會昌衣道服光猷

冬至

舟遷莊甚笑水流孔急難景移風度改日至

晷迴換眇眇負雪鶴皎皎帶霜鴈長河結蘭

紆層冰如玉岸哀哀古老容慘頰愁歲晏催

促時節過逼迫聚離散美人還未央鳴箏誰
與彈

蜀四賢詠

春
渤渚水浴鳧春山王抵鵲皇漢方盛明群龍
滿階閣君平因世閑得還守寂寞閉簾注道
德開卦述天爵相如達生肯能屯復能躍陵
令無人事毫墨時灑落衰氣有逸倫雅績信
炳博如今聖納賢金璫易羈絡良遮神明游
豈伊覃思作玄經不期賞蟲篆憂歡樂首路
或參差投駕均遠託身表既非我生內任作

甚
豐薄

秋日示休上人

枯桑葉未零，疲客心易驚。
今茲亦何早，已聞絡緯鳴。
迴風滅且起，卷蓬息復征。
愴愴簾上寒，悽悽帳裏清。
物色延暮思，霜露逼朝榮。
臨堂觀秋草，東西望楚城。
百物方蕭瑟，坐歎從此生。

和王義興七夕

宵月向掩扉，夜霧方當白。
寒機思孀婦，秋堂泣征客。
匹命無單年，偶影有雙夕。
暫交金石

心須更雲雨隔

贈鮑侍郎

釋惠休
釋惠休

玳枝兮金英綠葉兮紫莖不入君玉杯低彩
還自榮想君不相艷酒上視塵生當令芳意
重無使盛年傾

荅休上人

酒出野田稻菊生高岡草味貌復何奇能令
君傾倒玉椀徒自羞為君愧此秋金蓋覆牙
拌何為心獨愁

和王護軍秋夕

散漫秋雲遠蕭蕭霜月寒驚飈西北起孤鴈
夜往還開軒當戶牖取琴試一彈停歌不能
和終曲久辛酸金氣方勁殺隆陽微且單泉
涸甘井竭節徙芳歲殘生事各多少誰共知
易難投章心蘊千里途輕紈願託孤老暇
觴思暫開餐

懷遠人

哀樂生有端離會起無因去事難重念恍惚
似如神屬期眇起遠後遇邈無辰馳風掃遙
路輕蘿含夕塵思君成首疾欲息眉不伸

春羈

征人歎道避去鄉
渴路邇佳期每無從
淮陽非尺咫
春日起游心
勞情出徙倚
岫遠雲煙綿
谷屈泉靡迤
風已花四散
露濃條暄妍
正在茲
摧抑多嗟思
嘶聲名邊
堅豈我箱
中紙
染翰餉君琴
新聲憶解子

三日

氣暄動思心
柳青起春懷
時艷憐花藥
服淨
俛登臺
提觴野中飲
愛心煙未開
露色染春
草泉源
潔冰苔
泥泥濡
露條嫋嫋
承風栽
鳧

心愛

起

召

鳥

雛掇苦薺黃鳥銜櫻梅解衿欣景預臨流競
覆杯美人竟何在浮心空自摧

苦雨

連陰積澆灌滂沱下霖亂沉雲日夕昏驟雨
望朝旦蹊濘走獸稀林寒鳥飛晏密霧冥下
溪聚雲屯高岸野雀無所依群鷄聚空館川
梁日已廣懷人邈渺漫徒酌相思酒空急促
明彈

三日游南苑

採性及華月追節逐芳雲勝舊溢林疏麗日

菑

擘山文清潭圓翠會化薄綠綺紋合樽遽景
斜折榮老組芬

歲暮悲

霜露迭濡潤草木互榮落日夜改運周今悲
復如昨晝色苦沉陰白雪夜迴薄皦索冒霜
鴈飄揚出風鶴天寒多顏苦妍容逐丹壑絲
冒千里心獨宿乏然諾歲暮美人還寒壺與
誰酌

園中秋散

負疾固無豫晨衿悵已單氣交蓬門踈風數

冒壺

係

草

興

思暮

園草殘荒墟半晚色幽庭憐夕寒既悲月戶
清復切夜蟲酸流枕商聲苦騷殺年志闌臨
歌不知調發興誰與歡儻結延上清豈孤林
下彈

詠秋

秋蘭徒晚綠流風漸不親飈我垂愚幕驚此
梁上塵沉陰安可久豐景將逐淪何由忽靈
化暫見別離人

秋夕

慮涕擁心用夜默發思機幽閨溢涼吹閑庭

滿清暉紫蘭花已歇青梧葉方稀江上淒海
戾漢曲驚朔霏髮斑悟壯晚物謝知歲微臨
宵嗟獨對撫賞怨情違躊躇空明月惆悵徒
深帷

望水

刷鬢垂秋日登高觀水長千澗無別源萬壑
共一廣流缺巨石轉湍迴急沫上苕苕嶺岸
高照照寒洲爽東歸難付惻日世誰予賞臨
川憶古事目孱千載想河伯自矜大海若沉
渺莽

詠白雪

白珪誠自白。不如雪光妍。工隨物動氣。能逐
勢。方圓無妨玉。頰媚不奪素。繒鮮投心障。苦
節隱迹避榮年。蘭焚石既斷。何用恃芳堅。

鮑氏集卷第八





鮑氏集卷第九

為柳令謝驃騎表

解褐謝侍郎表

謝秣陵令表

時為中書舍人

謝賜藥啓

謝永安令解禁止啓

論國制啓

謝上除啓

通世子自解

重與世子啓



謝假啓二首

侍郎上疏

謝解禁止

侍郎滿辭閣

轉常侍上疏

征北世子誕育上疏

謝隨恩被原表

皇孫誕育上疏

登大雷岸與妹書

為柳令謝驃騎表

宋本臣字俱略小右
偏不失上奏之體

捨

臣言伏承詔書加臣驃騎將軍餘如故顧循
空薄屢墜成命仰當天寵伏抱慙灼臣素陋
人本絕分望適野謝山川之志輟耕無鴻鵠
之歎宦希鄉部富期農牧夙當昌朝早值恩
洽天綱紛橫皇曆歸聖左輪不殷良馬未汗
功半下列爵超上賞奮迹騰光參駕龍服翰
起雲飛拂翼虹路雖曩之脫駕拖紫捨檐丹
轂方之微臣彼安足齒齊此而歸懼塵王度
況遂頻煩重彰濫越伏願天德曲成資始令
終雨露之惠自華及殞特屈慈獎降申愚固

則綢繆之施復踰造物不勝感躍惶駭之情
謹拜表以聞

解褐謝侍郎表

臣照言臣孤門賤生操無烟迹鶉棲草澤情
不及官不悟天明廣矚騰滯援沉觀光幽節
聞道朝年榮多身限思非終報臣云云

謝秣陵令表

時為中書舍人

臣照言即日被尚書召以臣為秣陵令臣負
插下農執羈末皂情有局塗志無遠立遵命
逢天得汗官牒不悟恩澤無窮謬當獎試用

謝刀筆猥承宰職豈是闇懦所能克任今便
抵名違離省闈係戀罔極不勝下情謹拜表
以聞

謝賜藥啓

臣衛躬不謹養命無術情淪五難妙謝尤法
飈落先傷衰疴早及遐近臨猥委存卹癘
同山嶽蒙靈藥之賜惠非河間謬仙使之屈
恩逾脯糗惠重帷席荷對銜慙伏抱衿渥
謝永安令解禁止啓

臣田茅下第質非謝品志終四民希絕三仕

光

豐

洪

貴

懷

邀世逢辰。謬及推擇。恩成曲積。榮秩兼過。雖
誓投織生。昊天罔極。迄無犬馬。孤慙星歲。加
以淪節。雪颺沉誠。款晦值天。先燭幽神。照廣
察澡。疊從宥與。物更稟。遂晞曠陽。春湔汰。秋
水綴翼。雲條葺鮮。決沼洗膽。明目扞手。太平
重甄再造。含氣孰比。不悟乾陶。彌運復垂。延
飾驕迹。升等改觀。非服振纓。珥筆聯承。貴寵
豈臣浮朽。所可恭從。實非愚瞽。所宜循踐。瑣
族易灰。脆漏已迫。空荷載燾。終貴仰復。飲冰
肅事。懷火畢命。不勝屏營之情。謹啓事以聞。

論國制啓

臣啓臣聞尺之量錦工者裁之柔文之木繩
墨在焉事無巨細非法不行當今世問政睦
藩國相望君舉必書動成准式息躬聖壤十
有餘載條制節文宜其備矣諸王列封動靜
兼該而竊見國之處事未盡善臣之暗蔽私
心有惜伏見彭城國舊制猶有數卷雖多殊
革大綱可依愚謂宜令掌固刊而撰之上著
朝典藩邦之度下揆國訓繁簡之誼傍酌州
府寬猛之中章程久具求為恒制豈伊今美

乃足貴之將來臣忝充直員脫以啓聞煩而非要伏追慙悚謹啓

謝上除啓

臣言被宣賜臣上除臣伏事日淺蒙荷已豐天澤所及且喜且懼但臣自丁常棣來塗階級非所敢冀今日榮願直爾不少冒乞停止上除伏願重許干穢悚息

通世子自解

僕以常棣無用於世遭逢謬幸被受恩榮誠願論畢久宜捐落仁眷篤終復獲淹停感今

惟昔銜佩無已但自無堪尸素累載腹心之
愧寤寐爲憂令請解所職願蒙矜許自奉清
塵于茲六祀隆辰永徃遺恩在心執紙哽咽
言不自宣

重與世子啓

奉還誨深承殷勤篤眷之重披讀未終悲愧
交集僕以常人所蒙隆厚久應知退非適今
日銜恩戀德用缺進心今者之請必願鑑許
且僕棲遲無事咫尺館第餐稟風微非旦則
夕居職還私兩者無異而於僕無用有以自

處豈非仁念始終之惠重致于日彌深慙感

謝假啓二首

臣啓臣居家之治上漏下濕暑雨將降有懼
崩壓比欲完葺私寡功力板插絢塗必須躬
後冒欲請假三十日伏願天恩賜垂矜許干
啓復追悚息謹啓

臣啓臣所患彌留病願沉痼自近蒙歸頻更
頓處日夜間困或數四委然一弊瞻景待化
加以凶衰嬰遘慘悼終鮮兄弟仲由所哀臣
實百罹孤苦夙雨天倫同氣實惟一妹存浸

永訣不獲計見封瘞泉壤臨送私懷感恨情
痛兼深臣母年老經離憂傷服麤食淡羸耗
增疾心計焦迫進退罔躡冒乞申假百日伏
願天慈賜垂矜許臣違福履身事屯悴歎息
和景掩淚春風執啓涕結伏追惶悚謹啓

侍郎上疏

臣言臣北州衰淪身地孤賤衆善必達百行
無一生丁昌運自比人曹操之端槩業謝成
迹徂年空徃瑣心靡述褫轡投箸於斯終志
東萊負薪期與相畢安此定命忝彼公朝不

悟乾羅廣收圓明兼覽雕瓠飾笙備雲和之
品潢汗流藻充金鼎之實鑿羽暴鱗復見翻
躍枯楊寒炭遂起煙華未識微躬猥能及此
未知陋生何以為報祇奉恩命憂愧增灼不
勝感荷屏營之情謹詣閣拜疏以聞

謝解禁止

臣言被宣令解臣禁止天光鄭重不可勝逢
飛走知感矧臣人類臣聞獲過于神或憑尸
祝以請得罪於君可因左右而謝臣自惟孤
賤盜幸榮級闇蒞大誼猖狂世禮奇非阮籍

無保持之助才愧馮衍有鞅轡之困自非聖
朝超然覽臣於視聽之外則今日溼澤更成
妄遭來辰萎葉終先朝草小人歲暮知能何
報徒厚恩華憂懼歎息不任下情謹詣拜疏
以聞

侍郎滿辭閣

臣言臣所居職限滿今便收迹金闈雲路從
茲自遠鮪鯨沉葢方絕光景祇戀遲迴結涕
濡泗臣噐机窮賤情嗜躑昧身弱消蹙地幽
井谷本應守業墾膠剗苻牧鷄圈豕以給征

表

賦而幼性猖狂因頑慕勇釋擔受書廢耕學
文畫虎既敗學步無成反拙歸跂還陋鷲雀
日晏途遠塊然自喪加以無良根孤伎薄既
同馮衍負困之累復抱相如瘠渴之疾志逐
軍離事與襄合束馬埋輪絕游息世宿福餘
慶爰邁聖明煦蒸霜霰萃申雲落得從下走
叨迹人行操勒負羈班榮扈隸矜愚訓短哀
有弗及奉此而歸足以沒齒雖摩肌髮無報
天德更冀營魂遠能結草不勝感戀之情謹
詣闕拜疏奉辭以聞

轉常侍上疏

臣言即日被中曹板轉臣為左常侍臣自惟
常人觸事無可謬被拔擢實為光榮臣既無
髣髴上報殊絕之恩有分每豐其過前後輕
重輒得原恕獎以君子之方赦其不閑教訓
大愆不責矜澤必加是臣所以夙夜自念知
遭遇之至深至厚也未冀未望便荷今榮欣
喜感悅不敢偽讓庶保終始身命為初不勝
下情謹詣閣拜疏謝以聞

征北世子誕育上疏

臣等言臣聞本枝無疆布諸前典衆多彌貴
信之華封故德積則慶深業昌則祚廣伏承
王子以中氣正月鍾靈納和誕躬紫閣膺祚
朱紱弧矢夙陳珪璋攸覲雲光麗輝巖澤昭
采嘉祥爰享柔顏載粹凡在氓隸莫不抃悅
臣霑恩踰物慶倍目中不勝殊歡溢喜謹奉
表以聞

謝隨恩被原表

臣言即日被曹宣命元統內外五刑以下浩
澤盪汰臣亦預焉得從漢律故謬之辨闇遭

曾參殺人

洎

周典肆眚之科大喜卒至非願所圖魚愕鷄
睨且悚且慙臣誠下愚不達義方然君尊臣
泰豈同犬馬且常侍臣淵穆疏草即臣所作
助人爲恭猶加敬憶自己率禮寧敢慢忘由
臣倅賤可悔可誣殺曾參人殺臣豈無過寢病
幽栖無援朝列身孤節卑易成論駭幸大明
臨下仁道毓物澤洎翔走臣覃末慶然古人
有言揚者易生之木也一人植之十人拔之
無生揚矣何則植之者難拔之者易況臣一
植之功不立衆拔之過屢至同彼風霜異此

貞脆書稱天秩有禮易載神福在謙臣之謙
禮理謝福秩仰銜俯媿行歎坐戚即欲顛沛
拜恩下庭但臣病久柴羸不堪冒涉小得趨
馳星駕登路不勝荷佩之誠謹上疏以聞

皇孫誕育上疏

兼郎中令侍郎臣等言伏承東儲積慶皇孫
誕育國啓昌期民迎福運臺禁稱祉井廬相
賀伏惟聖懷載深鴻念不任下情謹詣閣上
疏以聞

登大雷岸與妹書

吾自發寒雨全行日少加秋潦浩汗山溪猥
至渡沂無邊險徑遊棧石星飯結荷衣水宿
旅客貧辛波路壯闊始以今日食時僅及大
雷塗登千里日踰十晨巖風慘節悲風斷肌
去親爲客如何如何向因涉頓憑觀川陸遨
神清渚流涕方曛東顧三洲之隔西眺九派
之分窺地門之絕景望天際之孤雲長圖大
念隱心者久矣南則積山萬狀爭氣負高含
霞飲景參差代雄凌跨長隴前後相屬帶天
有匝橫地無窮東則砥原遠隰亡端靡際寒

蓬夕卷古樹雲平旋風四起思鳥群歸靜聽
無聞極視不見北則陂池潛演湖脉通連葺
蒿攸積菰蘆所繁栖波之鳥水化之蟲智吞
禹彊捕小號噪驚聒紛乎其中西則回江永
指長波天合滔滔何窮漫漫安竭創古迄今
舳艫相接思盡波濤悲滿潭壑煙歸八表終
爲野塵而是注集長寫不測修靈浩盪知其
何故哉西南望廬山又特驚異基壓江潮峯
與辰漢連接上常積雲霞雕錦褥若華夕曜
巖澤氣通傳明散綵赫似絳天左右青靄表

純

裏紫霄從嶺而上氣甚金光半山純純以下為
黛色信可以神居帝郊鎮控湘漢者也若濼
洞所積溪壑所射鼓怒之所飀擊湧漚之所
宕滌則上窮荻浦下至狶洲南薄鷲瓜北極
雷激削長埤短可數百里中騰波觸天高浪
灌日吞吐百川寫泄萬壑輕煙不流華鼎振
潛弱草朱靡洪漣隴感散渙長驚電透箭疾
穹溢崩聚坻飛嶺覆回沫冠山奔濤空谷礧
石為之摧碎倚岸為之墜落仰視大火俯聽
波聲愁魄脅息心驚慄矣至於繁化殊育詭

質怪章則有江鵝海鴨魚鮫水虎之類豚首
象鼻芒鬚針尾之族石蟹土蚌燕箕雀蛤之
疇折甲曲牙逆鱗返舌之屬掩沙漲被草渚
浴雨排風吹滂弄翻夕景欲沉曉霧將合孤
雛寒嘯遊鴻遠吟樵蘇一歎舟子再泣誠足
悲憂不可說也風久雷飈夜戒前路下弦內
外望達所屆寒暑難適汝專自慎夙夜戒護
勿我爲念恐欲知之聊書所覩臨塗草感辭
意不周

鮑氏集卷第九

鮑氏集卷第十

河清頌 并序

佛影頌

凌煙樓銘 并序

藥奩銘

飛白書勢銘

瓜步山楬文

石帆銘

河清頌 并序

臣聞善談天者必徵像於人工言古者先考



大

圖

績於今鴻羲以降遐哉邈乎鏤山嶽雕篆素
昭德垂勲可謂多矣而史編唐堯之功載格
于上下樂登文王之操稱於昭于天素狐玄
玉聿彰符命朴牛文螾爰定祥曆魚鳥動色
禾雉興讓皆物不盈皆而美溢金石頌聲爲
之而寢詩人於是不作庸非惑歟自我皇宋
之承天命也仰應龍木之精俯協龜水之靈
君圍帝寶粲爛瑰英固以業光曩代事華前
德矣聖上天飛踐極迄茲二十有四載道化
周流玄澤汪濊地平天成含生阜熙文同軌

召

通表裏釐福曜德中區黎庶知讓觀英遐外
夷貊懷惠秩禮恤勤散露臺之金賑民舒國
傾御邸之粟約違迫脅奢去甚泰謙無留飲
畋不盤樂物色異人優游鯁直顯靡失心幽
無怨魄精炤日月事洞天情故不勞仗斧之
使號令不肅而自嚴無辱鳳舉之事靈恠不
名而自彰萬里神行飈塵不起農商野廬邊
城偃柝冀馬南金填委內府馴象棲爵克羅
外苑阿紈纂組之饒衣覆宗國魚鹽杞梓之
利傍贍荒遐士民殷富繁軼五陵宮宇宏麗

崇冠三川閭闔有盈歌吹無絕朱輪疊轍華
寘重肩豈徒世無窮人民獲休息朝呼韓罷
酤鐵而已哉是以嘉祥累仍福應尤盛青丘
之孤丹穴之鳥栖阿閣遊禁園金芝九莖木
禾六秀銅池發膏畝宜以謁薦郊廟和協律
呂煙霏霧集不可勝紀然而聖上猶夙興昧
旦若有望而未至宏規遠圖如有追而莫及
神明之貺推而弗居也是以琬碑鏤檢盛典
蕪而不治朝神省方大化抑而未許崇文協
律之士蘊儻頌於外坐朝陪宴之臣懷揄揚

於內三靈佇睠九壤注心既有日矣歲宮乾
維月遭蒼陸長河巨濟異源同清澄波萬壑
潔瀾千里斯誠曠世偉觀昭啓皇明者也語
曰影從表瑞從德此其效焉宣尼稱鳳鳥不
不至河不出圖傳曰俟河之清人壽幾何皆
傷不可見者也然則古人所不見者今殫見
之矣孟軻曰千載一聖是旦暮也豈不信哉
夫四皇六帝樹聲長世大寶也澤浸群生國
富刑清鴻德也制禮裁樂惇風遷俗文教也
誅箠黜黜東顛象闕武功也鳴禽躍魚滌穢

河渠至祥也大寶鴻德文教武功其崇如此
幽明同贊民祇與能厥應如彼唯天爲大堯
實則之皇哉唐哉疇與爲抑又聞之勢之所
覃者淺則美之所傳者近道之所感者深則
慶之所流者遠是以豐功躡命潤色滕策盛
德形容藻被歌頌察之上代則奚斯吉甫之
徒鳴玉鑿於前視之中古則相如王褒之屬
馳金羈於後絕景揚光清埃繼路故班固稱
漢成之世奏御者千有餘篇文章之盛與三
代同風由是言之斯廼臣子舊職國家通議

不可輟也臣雖不敏敢不勉乎乃作頌曰
窺刊崩石摺逸殘竹巢風寂寥義埃綿邈鉅
生大年瞻學淵聞肇繡成景粉績顓軒徒翫
井科未覩天河亘古通今明鮮晦多千齡一
見書史登歌旋我皇駕揆景方塗凌周躡殷
蹶唐轢虞如彼七緯累璧重珠高祖撥亂首
物定靈更開天地再鑄群生帝御三傑龍步
八垌朔南暨教海北騰聲淪深格高浹遐洞
冥龜鼎遷宋玄圭告成大明方徽鴻光中微
聖命誰堪皇曆攸歸謀從筮協神與民推黃

旗西映紫蓋東輝納瑞螭玉升政衡機金輪
豹飾珠冕龍衣正位北辰垂拱南面天下何
思日用罔倦復禮歸仁觀恒通變一物有違
戚言毀膳菲躬簡法厚下安宅謙德彌光損
道滋益孝崇饗祀勤隆耕籍饘酌秋羊封堦
春酪嬰耄兼梁鰥孤重帛體由學染俗以教
遷禮導刑清樂鬯風宣分衢讓齒折訟推田
野旌伏彥朝賞登賢儒訓優柔武節焱鷲文
憲精弘戎容犀利樞鈐明審程護周備吏礪
平端民羞幸覬桴鼓凝埃烽驛垂轡銷我長

閣

歸為農器閩外水鄉郭表炎國隴首西南渤
尾東北施施嶺丹渾渾泉黑移琛雲勉轉隼
邛夔狼歌薦功鳥譚陳德治博化光民阜財
盛班白行謠青綺高詠雲表幽和物章明慶
麗植雕質蠢行藻性仁草晨苧德宿宵映海
無隱颺山有黃落牛羊內首閭戶外拓端木
朋生祥禽輦作薰風蕩閨飴露流閣器範神
妙劑調象藥匪直也斯偉慶方溱注彼四瀆
媚此雙川伏靈遙紀闕既遐年澄波岷嶽鏡
流葱山泉室凝澗水府清洵俛職夷都降眡

其字

六

踈匪字疑行

絮

驪淵朱宮潛耀紫閣陰鮮昔在爽德王風不
昌迺溢迺竭或壅或亡絮源濫壑曾是未央
先民未慨大道悠長雲何其實鍾我皇聞諸
師說天竦聽密分介焉如響匪遠惟疾矧是
皇心妙夫貞一左右天經戶牖人術訏暮布
簡絲言盈室穢有綿祀清豈崇日一人之慶
吹萬稟和靈根方固修源重波副睿貳哲帝
體皇柯景雲蔚嶽秀星駢羅垂光九野騰響
四遐輔車鼎足槃石虎牙世匹周室基永漢
家泰階既平洪河既清大人在上區宇文明

樵夫議道漁父濯纓臣照作頌鋪德樹聲

佛影頌

形生庶怪神照潭寂驗幽以明考心者迹六
塵煩苦五道綿劇乃炳舟梁爰悟淪溺色丹
貌續留相瓊石金光絕見玉毫遺覲俾昏作
朗効順去逆

凌煙樓銘

并序宋臨川王起

臣聞憑鸞薦響唱微効長垂一作乘波鑒景功

少致深是以冰臺築乎魏邑鳳閣起於漢京

皆所以贊生通志感悅幽情者也伏見所製

凌煙樓棲置崇迥延瞰平寂即秀神皋因基
地勢東臨吳甸西眺楚關奔江永寫鱗嶺相
葺重樹窮天通原盡目悲積陳古賞絕舊年
誠可以暉曠高明藻撤遠心矣夫識緣感傾
事待言彰匪言匪述綿世罔傳敢作銘曰
巖巖崇樓藐藐層隅階基天削戶牖雲區瞰
江列楹望景延除積清風露合一作綵煙塗
俯窺淮海俛眺荆吳我王結駕藻思神居宜
此萬春修靈所扶

藥奩銘

歲霞走丸生獸墮墻時無驟得年有遐方水
玉出煙靈飛一作神靈生光龜文電衣龍綵雲裳
九芝八石延正盪斜二脂六體振衰返華毛
姬餌葉鳳子藏花景絕翠虬氣隱頰霞深神
罕別妙竒不揚或繁虎杖或亂蛇牀故不世
不可以服未達不可以嘗眩精逆目是乃為
良

飛白書勢銘

秋毫精勁霜素凝鮮霑此瑤波染彼松煙超
圭八法盡竒六文鳥企龍躍珠解泉分輕如

游霧重似崩雲絕鋒劍摧驚勢箭飛差池鷺
起振迅鴻歸臨危制節中險騰機珪角星芒
明麗爛逸絲紫髮垂平理端密盈尺錦兩片
字金溢故仙芝煩弱既匪足雙蟲虎瑣碎又
安能匹君子品之是最神筆

石帆銘

應風剖流息石橫波下漉地紉上獵星羅吐
湘引漢歛蠡吞沱西歷岷冢北瀉淮河眇森
弘藹積廣連深淪天測際亘海窮陰雲族未
起風柯不吟崩濤山墜鬱浪雷沉在昔鴻荒

刊啓源陸表裏民邦經緯鳥服瞻貞視晦坎
水異木乃剡乃鏟旣剡旣斲飛深浮遠巢潭
館谷涉川之利謂易則難臨淵之戒曰危乃
安泊潛輕濟真表勤言穆我戒逐留御不還
徒悲猿鵠空駕滄煙君子彼想祇心載惕林
簡松括水採龍鷓覘氣涉潮投祭涵璧揆檢
舍圖命辰定歷二嶠虎口周王夙趨九折羊
腸漢惡電驅潛鱗浮翼爭景乘虛衡石頽鯉
帝子察殂青山斷河后父沉軀川吏掌津敢

告訪途

瓜步山楬文

歲舍龍紀月巡鳥張鮑子辭吳客楚指充歸
揚道出關津升高問途北眺羶鄉南曬炎國
分風代川揆氣閩澤四睨天宮窮曜星絡東
窺海門候景落日遊精八表駛視四遐超然
永念意類交橫信哉古人有數寸之簞持干
鈞之關非有其才施處勢要也瓜步山者亦
江中眇小山也徒以因迥爲高據絕作雄而
凌清瞰遠擅奇含秀是亦居勢使之然也故
才之多少不如勢之多少遠矣仰望穹垂俯

視地域涕洟江河疢贅丘嶽雖奮風漂石驚
電剖山地綸維陷川闔毀宮豪盈髮虛曾未
注言況乎沉河浮海之高遺金推壁之奇四
遷八聘之策三黜五逐之疵販交買名之薄
吮癰舐痔之卑安足議其是非



鮑氏集第卷十終

